



№ 6 — 1917

შაბათი 4 თებერ.

მესამე წელი შანი
გამოცემისა 15 კ.



ნიკო გოცირიძე 20 წლ. მადღაწეობის გამო

შინაარსი

- 1, მეთაური — სხადხო მუშაის დღესასწაული 2
 - 2, დამსწრე — „ვისი და რის პრადია?“ . . . „
 - 3, ივ გომართელი — აღ. ჭიჭინაძე . . . 3,
 - 4, ივ. გომართელი — ჩემი მოგონება . . . 4,
 - 5, ჯაბაური — ნ. გოცირიძე 6,
 - 6, ი. დაროშვილი — ნობათი ნ. გოცირიძეს 8
 - 7, კ ძიძიძე — სადა ხარ, სადა? „
 - 8, მიხ. ბოჭორიშვილი — ვნების ბრჭყალებში
სურათები 5 მკ. (შირველი მოქმედება) 9,
 - 9, ლ. ძიძიგური — წამების ასული . . . 14,
 - 10, შაზირა — შავი ზღვის ნაპირს „
- წერილი ამბები, სურათები, განცხადებანი



ნ. გოცირიძე (სტუპან შაკარიას რეჟში)

თეატრის 4

სახალხო მუშაკის დღეს ქართული სახალ-
დღესასწაული ხო სცენა ზეიშობს...

ზეიშობს ერთი თავისი ქეშმარიტი ქუ-
რუმის ნიკო გოცირიძის მოღვაწეობას...

იმ ნიკო გოცირიძისა, რომელიც რაე-
დენათაც ნიქ-ერი მსახიობია, იმდენად ნამ-
დვილი მოქალაქე, ხალხის გათვითცნობიერე-
ბის ქეშმარიტი მუშაკა...

მისთვის არ იყო შამონა, იყო მხოლოდ
მელბომენე, რომელსაც უანგაროდ, გულის
სიწმინდით ემსახურებოდა...

და დღესაც ემსახურება!

სახალხო სცენამ დიდი ამაგი დასდო ჩვე-
ნის ერის გათვითცნობიერებას და მომავალში
კიდევ უფრო მეტს შესძენის მას. ამ სცენ-
ის მუშაკნი, უმეტესად, სრულიად უფასოდ
მსახურობენ წმინდა ტაძრის სამსხვერპლოსთან
და ნეტარება მას— ვინც ხალხის მადლობას
ღაიმსახურებს! —

ეს შესძლო ნიკო გოცირიძემ.

მრავალ მწუხარე, აღმაშფოთებელ და
მოუსვენარ წელთა შრომის სანაცვლოდ დღეს
ხალხი ხელერთპირად შესძახებს ნაამაგდარ სა-
ხალხო მუშაკს „გამდლობთ ჩვენო ნიკოო!“

და ეს იქნება უდიდესი ჯილდო!

იმედია, პროვინციაც გამოეხმაურება ნი-
კოს იუბილეს.

ვინატროთ, რომ ასეთი უანგარო და ნი-
ქიერი მუშაკნი მრავლად გამოსჩენოდეს ჩვენს
სახალხო სცენას!

ჩვენ-კი ჩვენს ნიკოს ვუსურვებთ დღე-
გრძელობას სახალხო თეატრის საკეთილდღეოდ.



„ვისი და რის ბრალია?“

„თეატრი და ცხოვრება“-ის ნომერში მე-
თაურმა ასეთი საკითხი წამოაყენა: „ვისი და
რის ბრალია“ და შეეხო ჩვენი თეატრის გაქირ-
ვებულ მდგომარეობას. ბ. აყოფილმა“ № 2-ში
მას ვითომ პასუხი გასცა.

ეხლა მეც მინდა ასეთივე კითხვა დავსვა:
1—ვისი და რის ბრალია, ანუ რა მიზე-
ზია, რომ ბ. გ. გვაზავამ გამკეობის წვეგრო-
ბაზე უარი განაცხადა?

2—ვისი ან რის ბრალია, ანუ რა მიზეზია,
რომ ნ. ქართველიშვილი საზოგადო კრებამ
ერთხმად აირჩია გამკეობის წვეგრად; მან მოი-
თხოვა ფარული კენჭის ყრა (და სრულიად
სამართლიანად) და ფარული კენჭის ყრით-კი
მხოლოდ 3 თუ 4 ხმით გავიდა??

განა ეგ ჩვენი საზოგადოებრივობის გაკოტრე-
ბის მაჩვენებელი არ არის?

აღამიანისათვის ცხადათ ვერ გავიბედნი-
ა ვერ გავვიცხადებია მისთვის მისდამი ჩვენი ან-
ტიპატი; ღიათ ერთხმად ვირჩევთ წვეგრად და
ფარულად-კი ყუთში შავ-კენჭს ვაძლევთ.

თუ წვეგრობაზე თანხმობა განაცხადეს და
ყუთიც დაიდგეს, სჩანს მუშაობის სურვილი
3ქონდათ ორივეს!

გამკეობის პირველ კრებაზედვე-კი ორთა-
ვენი უარს აცხადებენ!

რა მიზეზია?

განა აქ ცუდი სუნი არა სცემს?

იქნება ბ. გვაზავამ და ნ. ქართველიშვი-
ლმა შინაური მდგომარეობა წამოაყენონ უა-
რის მიზეზად? მეტიმეტი გულუბრყვილობა
იქნება ამის დაჯერება!

არა! აქ სულ სხვა მიზეზებია! სხვაგან არ-
ის დამარხული ძაღლის თავი!


ისეთი მკოდნე, უანგარო მუშაკი, საქმის
მოყვარული და განათლებული მოღვაწე,
როგორც ბ. ნ. ქართველიშვილია, რად უნდა
ჩავაყენოთ ისეთი პირობაში, რომ წვეგრობაზე
უარი ვაქმევინოთ?

ჯერ ვირჩევთ— მერე ვაშაგებთ!

რას ნიშნავს ესა?

შეიძლება ეს ჩემი კითხვა ბევრმა სისუ-
ლელოდ ჩამითვალოს, მაგრამ მე ვსთხოვ ყვე-
ლას, ვისაც ქართული თეატრის ბედისხალი
აინტერესებს, ღრმად ჩაუკრდეს ამ გარემოებას
ჯეროვანი ყურადღება მიაქციოს!.. ერთხელ
და სამუდამო დარწმუნდეს, რომ ღრამ. საზო-
გადოებაში „не все обстоит благополучно“
რომ აქ უფრო პირადი თავმოყვარებით ხელ-
ძღვანელობენ, ვიდრე საზოგადო საქმისადმი
ინტერესებით!

დამსწრე.



ალექსი ჭიჭინაძე (1851—1917)

ალექსი ჭიჭინაძე

საყვარელი მასწავლებელი — აი ორი სიტყვა, რომლითაც შეიძლება ალექსი ჭიჭინაძის დახასიათება. ის საყვარელი იყო თავის მოწაფეთათვის, ყველას გულში სიყვარული შეჰქონდა, ყველა უყვარდა და ამ თვისების წყალობით იყო მარტო იშვიათი ადამიანი კი არა, იშვიათი მასწავლებელი.

რა არის საჭირო მასწავლებლისათვის?

უპირველესად მას უნდა უყვარდეს ის საქმე, რომელსაც ემსახურება.

მას უნდა უყვარდეს მოსწავლე, რომლის აღზრდა-განვითარება მისთვის მიუზღვიათ.

თვითონ უნდა იყოს სპეტაკი ადამიანი, რომ თავის პირადი მეფობით მოქმედებდეს მოსწავლეზე

ყველა ეს თვისება ერთ ადამიანში თავმოყრილი, მეტაჲ იშვიათია და .მეტომ არი მასწავლებელთა შორის ძალიან ცოტა კემზა რიტი მასწავლებელი.

ყველა ეს თვისება სრულად ახლდა ალექსისთვის. ის საქმე მას ახალგაზრდულის გატაცებით უყვარდა და, როგორც სამაგალითო დარაჯი, სადარაჯოზე მოკვდა.

ყოველისფერს ივიწყებდა, ყოველისფერს მსხვერპლათ სწირავდა საყვარელ საქმესა, დას-

ვენება რა იყო, მოსვენება—მან არ იცოდა. ის იყო ანთებული კელაპტარი, რომელიც იწოდა თვისი დიდი საქმის სამსხვერპლოზე, იწოდა და მხოლოდ საქმეზე ჰფიქრობდა, სანამ სრულებით არ დაიწვა

მასწავლებლის მოვალეობა მეტად მძიმეა; ის პირნათლათ ზიდავდა ამ ტვირთს; ის იქანცებოდა, მაგრამ ის არავის არ შესწიოდა, რადგანაც დიდი საქმე მსხვერპლს მოითხოვს და ალექსი იყო მსხვერპლი, რომელიც საქვეყნო საერო საქმეს ეწირებოდა.

რომ მკითხოთ, რა უფრო უყვარდა ალექსის—საკუთარი ოჯახი, თუ სასწავლებელი, პ.სუხისათვის ზღერი ფიქრი არ დამქირდებოდა:

— რასაკვირველია, სასწავლებელი.

სასწავლებელი ალექსისათვის ყოველისფერი იყო.

ალექსიც მთელ თავის არსებას, თავის ძალღონეს, თავის ვნერგიას, თავის დროს თავის, სულსა და გულს სასწავლებელს ანდომებდა.

ოჯახში როცა იყო, მაშინაც სასწავლებელზე ჰფიქრობდა, სასწავლებლისათვის ზრუნავდა. სასწავლებელი ალექსისათვის წმინდა ტაძარი იყო, სადაც მისი სული სრულ კმაყოფილებას ჰპოვებდა.

ვინ უფრო უყვარდა ალექსს—მოსწავლელე თუ საკუთარი შვილები?

რასაკვირველია მოსწავლე.

საკუთარ შვილებს ხშირათ მისი ხილვა ენატრებოდათ, ის-კი მთელ თავის დროს სასწავლებელს სწირავდა. მოსწავლენი მისთვის სულიერი შვილები იყვენ და ის-კი სულიერი მამა, რომელთათვის ზრუნვა-პატრონობაში საკუთარ შვილებს ივიწყებდა.

მასწავლებელთა დიდი უმრავლესობისათვის მოსწავლე არის მხოლოდ მოსწავლელე—მეტი არაფერი.

ალექსისათვის-კი მოსწავლე იყო ნორჩი ადამიანი, რომლის სულს შესწავლა გამოცნოუნდოდა და გულს-კი ღმობიერათ, სიყვარულით მოპყრობა.

ალექსი ყოველ მოსწავლეში ეძებდა იმის თვისებურ თვისებებს, იკვლევდა იმის სუსტ, კარგ და ავ მხარეებს და ამის შემდეგ ზრდიდა და ავითარებდა მას.

მოსწავლის შესწავლა, იმის სულში ჩახედვა, გულში ჩაწდომა, მისი დამორჩილება სიყვარულის შემწეობით—აი ალექსი ჭიჭინაძე.

ის იყო იშვიათი ფსიხოლოგი მოსწავლის ბუნებისა, ის შედიოდა მოსწავლის ყოველგვარ მდგომარეობაში, იმის ყოველდღიურ ცხოვრებაში და მუდამ იყო არა სასტიკი მტუქსეველი, არამედ მშვიდი, წყნარი დამრიგებელი, რომლის ყოველ სიტყვაში მამობრივი სიყვარული და მზრუნველობა იხატებოდა.

ღიად, ალექსი იყო ფიცხი, ხშირად სასტიკიც მათთან, ვინც იმის სულიერ შეილება ისე არ უვლიდა, როგორც მასა სწამდა, ვინც სასწავლებელს მასავით წმინდა ადგილათ არა სთვლიდა. ის ყველასაგან ითხოვდა სიყვარულს, მსხვერპლს თვისი საყვარელი საქმის ასაყვავებლათ, თვისი საყვარელი მოწაფეების საკეთილდღეოთ და როდესაც ამ სიყვარულს, ამ მსხვერპლს ვერა ჰხედავდა, ის მაშინ გულმაგარი და მტკიცე იყო,

სხვისი აღმრზღელი—თვითონ უნდა იყოს ზრდილი.

ასეთი იყო ალექსი—მშვიდი, წყნარი, ღმობიერი, თავდაპირილი, უბოროტო, გულკეთილი, ყოვლად პატიოსანი.

ალელებება ბაფიცხება, მოთმინებიდან გა მოსვლა მან მხოლოთ იშვიათათ იცოდა და ისიც მაშინ, როდესაც იმის საყვარელ საქმეს, იმის წმინდათა წმინდას უკადრისად, შეუფერებლად და გულგრილად ეპყრობოდნენ.

სხვისი მასწავლებელი თვითონ უნდა იყოს მასწავლი.

ასეთი იყო ალექსი, რომელიც უკანასკნელ წუთამდე თვითგანვითარებისათვის ზრუნავდა და მეცნიერებას თვალყურს ადევნებდა.

ქეშმარიტი მამულისშეილი, რომელსაც მშობელი ერი უყვარდა და მისი მომავალი სწამდა,—აი ალექსი, პატიოსანი, შეუბოვარი მოქალაქე, რომელსაც გათვალისწინებული აქვს თვისი მოქალაქობრივი უფლებანი და მოვალეობა—აი ალექსი.

ცხრას ხუთში მოძრაობის დროს მე თვითონ მინახავს, თუ როგორი კრებები

იმართებოდა და რა ხდებოდა ალექსის ბინაზე ხონში.

იშვიათი პედაგოგი, იშვიათი ადამიანი, იშვიათი მამულიშვილი იშვიათი მოქალაქე—აი ალექსი ჭიჭინაძე. ივ. გომართელი

ჩემი მოგონება

როდესაც სათავად-აზნაურო სასწავლებელში მიმაბარეს, ობლობის მთელი საშინელება მაშინ განვიცადე. მარტოობა მაშინ ვიგრძნე. დედა შორს იყო, შორს; მისი ალექსი მისი ხილვა, მისი ხმის გაგონება, მის კალთაში თავის ჩადება, მის უბეში ხელის შეყოფა მენატრებოდა, მწყუროდა.

ამხანაგებმა ეს სევდა ვერ შემიმსუბუქეს, რადგანაც თავიდანვე ბავშვურის, გულუბრყვილო, უბოროტო დაცინვით შემხვდნენ: ღვიტიკელა, ხოხონიკაო. მგონია მე მაშინ პირველი იმერელი ვიყავი სასწავლებელში.

როდესაც გავიგე, რომ სასწავლებელის მსახური ივანე რაქველი იყო, თუნდა ბიძა ჩემი დამენახოს. ვაცოდი, რომ რაქა ჩვენი სოფლიდან ახლოს იყო და ივანეს მივეკედლე შეიყვარდა. იმასაც შეუყვარდი.

როდესაც ქალაქში მოვდივარ, თქვენ სოფელზე ამოვივლი ხოლმეო, მითხრა ივანემ ერთხელ.

ამ ამბავმა ხომ სიხარულით აღავსო ჩემი გული. მაშ ივანე ჩვენ სოფელში ყოფილა, ჩვენი სოფელიც დაუნახავს.

სიყვარულმა გამათამამა. ობლობის და მარტოობის ტვირთი შემიმსუბუქდა. თავისუფალ დროს ივანეს ხან ზურგზე მოვანტებოდი, ხან კისერზე ჩამოვკიდებოდი.

— აგერ მოვა ახალი ისპეტორი და გაყურებინებს სეირს! გამომიცხადა ერთხელ ივანემ.

ამ სიტყვებმა ჩამაფიქრა, დამაღონა.

მე რომ სწავლა დავიწყე, პედაგოგიაში სიყვარულსა და პატივის ცემას შიში სჭარბობდა. მასწავლებელთა უმრავლესობა უფრო შიშით მოქმედებდა ჩვენზე ვიდრესიყვარულით,

ამის გამო სილა ყბაში დიდათ იყო მიღებული, წიკბურტები და ყურების აწევა ხომ ლაღობდნენ და ხარობდნენ.

რა გასაკვირალია, თუ ჩემს თვალში მასწავლებელი უფრო საშიში აღამიანი იყო, ვიდრე საყვარელი.

ინსპექტორი მე არ მენახა. იმ ხანებში, როდესაც მე სასწავლებელში მიმბარეს, სასწავლებელი უინსპექტოროდ იყო დარჩენილი მაგრამ ინსპექტორი მე უფრო საშინელ. აღამიანათ მყავდა წარმოდგენილი, ვიდრე მასწავლებელი.

როდესაც ივანემ გამომიცხადა, ახალი ინსპექტორი მოვაო, არა თუ დავლონდი, შიმში ამიტანა...

სასწავლებლის კარიდორში ბავშვების ქრიაშისა გამო ერთი აღიაქოთი იყო.

— ახალი ინსპექტორი.

გაისმა ხმა და სამარისებური სიჩუმე ჩამოვარდა, თითქოს მიწა უხმოთ გაიპო და ყველა ერთბაშათ გადაყლაპაო.

მალე გაიარა ახალმა ინსპექტორმა და სუყველს თავი დაგვიკრა.

ეს ახალი ინსპექტორი იყო ალექსი ქიქინაძე.

ჩემი მოლოდინი და შიში არ გამართლდა. პირველი შთაბეჭდილების მიხედვით ახალი ინსპექტორი საშიში აღამიანი არ უნდა ჰყოფილიყო.

როგორც მოგახსენეთ, სასწავლებელში ცემა-ტყეპა გამეფებული იყო მართალია, სილას ყველა არ მიმართავდა ხოლმე, იუენენ ისეთი მასწავლებელნი, რომელთა განაცემ დროს ერთი წკიპურტიც არავის მოხვედრია, მაგრამ იყვენ ისეთებიც, რომლებიც სილას ერთობ ხშირათ ხმარობდენ და მეტათ დახელოვნებულნი იყვენ. მათი ხელის მოქნევა სისწრაფით სწორედ ელვა, იყო რომლის ტკაცანსაც მეორე ოთახში გაიგონებდით.

შემოდგა თუ არა ალექსიმ სასწავლებელში ფეხი, სილა, წკიპურტები, ყურების აწევა სადღაც გაიპარენ.

ამ მოულოდნელმა ცვლილებამ სასწავლებლის ცხოვრებაში ჩვენ იმდენათ გაგვაოცა, რომ ვედარით ვერ აგვეხსნა, მხოლოდ შემდეგ მივხვდი, რომ ეს ალექსის ბრალი იყო. რუსულ ღნის მასწავლებლათ ახალი ინსპექტორი გეყოლებათო, გამოგვიცხადეს.

მე მოუთმენელათ ველოდი იმდღეს, როდესაც ახალი ინსპექტორი ჩვენთან შემოვიღოდა.

ცოტაოდენ შიშს, რაღაც არა-სასიამოვნო, შემაწუხებელ გრძობას განვიცდიდი მაინც ამ მოლოდინში, მაგრამ ეს არ იყო ძლიერი შიში.

პირველი გაკვეთილის შემდეგ კი შიშის ნატამილიც გაიფანტა.

ჩვენს წინაშე იდგა ახალგაზრდა აღამიანი, წყნარი, მშვიდი, უბოროტო სახისა. მისი ტკბილი, საამური ხმა სრულებით შეეფერებოდა მის ს.ხ.ს.

სწორეთ ხუთი წელიწადი იყო ალექსი ჩემ მასწავლებლათ და ამ ხნის განმავლობაში მე არ მახსოვს, რომ ერთხელ ხმა მაღალი სიტყვებითქვას კლასში ერთხელ გაგვწყრომოდეს, ერთხელ აღელვებულნიყოს, აჩქარებულიყოს გაკვეთილების დროს.

მხოლოდ დარიგება იცოდა, დარიგება და კადევ დარიგება. როცა ამგვარი ზომა სრულებით არა სჭრიდა, ის მიმართავდა ხოლმე საყვედურს და იმის საყვედურში უზომო სიყვარული იყო გახვეული. ალექსიმ პირველი გაკვეთილიდანვე მოგვხიბლა ამ სიყვარულით და ამის შემდეგ ჩვენც უსაზღვროთ შეგვიყვარდა ის. ხშირათ მთელი კლასი ცდილობს, პირობის ჰკრავს რომ მასწავლებელი გააჯავროს, მოთმინებიდან გამოიყვანოს.

ამ გვარია ფსიხოლოგია მოსწავლესი, რომელსაც სხვა საშუალება არ გააჩნია, სამაგიერო რითიმე გადაუხადოს მამზარ, უსიყვარულო მასწავლებელს.

ჩვენთან ალექსის არც ერთი ამის მზგავსი შემთხვევა არა ჰქონია.

ყოველ ღონეს ვხმარობდით, რომ ჩვენს საყვარელ მასწავლებელს ჩვენგან არაფერი სწყენოდა და მისი გაკვეთილების დროს სრული სიჩუმე და მყუდროება სუფევდა.

საზოგადოთ გაკვეთილების დროს საათი მეტათ გრძელდება და როდესაც ზარის ხმის გაიგონებ, გულზე მოგეფინება, მოგეშვება.

ალექსის გაკვეთილებზე დრო შეუმჩნევლათ გადიოდა, რადგანაც ის მუდამ ღმობიერი, მუდამ მოსიყვარულე იყო და ჩვენ

ვერძობლით ამ სიყვარულს.

რუსულს ალექსი გვასწავლიდა ქართული ენის შემწეობით, უმეტეს დროს გაკვეთილის ახსნა-განმარტებას ანდომებდა და, სახლში როდესაც ვბრუნდებოდით, გაკვეთილი თითქმის მზათა გვქონდა.

ალექსი მარტო მასწავლებელი არა ყოფილა: ის იყო მზრუნველი მამა, რომელიც საკუთარ შვილებზე, შესაძლებელია, იმდენს არა ფიქრობდა, რამდენსაც ჩვენზე.

სათავდაზნაურო სასწავლებელში ჩემ დროს ოთხი კლასი იყო და მესამეში რომ გადავედი, მეოთხე დახურეს უსაღსრობისა გამო.

სასწავლებლის გათავების შემდეგ მოსწავლენი გზა-კვალ დაბნეული რჩებოდენ; გიმნაზიაში შესვლა მაშინ იშვიათს თუ ეღირსებოდა, დანარჩენები ან პატარა მოხელეებათ შევედოდენ სადმე ან მუქთაყლაპიათა და გამოუსადეგარ აღამიანთა რიცხვს ემატებოდენ.

მიუხედავათ იმისა, რომ მეოთხე კლასი ჩვენი ცხვირის წინ მოსპეს უსაღსრობ სა გამო, ალექსიმ იმდენი იმეცადინა, რომ ბანკის ხარჯით მესამე კლასის გათავების შემდეგ სულყველა სურამში წაგვიყვანა გიმნაზიისათვის მოსამზადებლად.

იქ ჩვენა გქვონდა საკუთარი სადგომი და გვჯავდა საკუთარი მზარეული.

ჩვენი მასწავლებლები იყვნენ ალექსი, ექვთიმე თაყაიშვილი და განსვენებული გრგძელიშვილი.

სასწავლებლის ეზოში მდინარე ჩამოდიოდა. ალექსიმ გაგვაკეთებინა საბანაო და ყოველ დღე თვითონ მივყავდით საბანაოთ. გაკვეთილების შემდეგ ხშირათ წაგვიყვანდა მინდვრათ და ტყეში სასეირნოთ და გვესაუბრებოდა ხოლმე ხან ჰიგენის, ხან ბოტანიკის შესახებ, ხან ისტორიიდან და სხვა და სხე.

მიუხედავათ ამისა, რომ ცოლშვილი ალექსის სურამში ჰყავდა, უმეტეს დროს ჩვენთან ატარებდა და მასთან ყოფნა, მისი ხილვა.

მისი მუსაიფი ჩვენს მოთხოვნილებათ გადაიქცა,

ავგუსტოში, როდესაც ეგზამენების დრო დადგა, ალექსიმ ოვითონ წამოგვიყვანა თბილისს და დაგვაბინავა სასწავლებელში, რომ

ეგზამენების დროს, უფრო ეგლო ჩვენთვის ყური.

ეგზამენების ჩვენ ყველას ძალიან გვეშინოდა და განსაკუთრებით-კი რუსულისა, რადგანაც გიმნაზიებში ისეთი წარმოდგენა ჰქონდათ ჩვენზე იქაურ მასწავლებლებს, თითქოს ჩვენ ტყიდან გამოვარდნილი ვიყავით და რუსულისა იწი არა გვესმოდარა.

ალექსი ყოველთვის გვაშინებდა, თვითონ მიგვეყვებოდა ეგზამენებზე.

იქ გვიცდიდა და გამოვიდოდით თუ არა გამოსაცდელი ოთახიდან, მოუთმენელათ გვეცემოდა:

— აბა რა ჰქენით, ხომ არ შემარცხვინეთ? და როდესაც დამშვიდებულ პასუხს მიიღებდა, მისი სახე გაბრწყინდებოდა ხოლმე.

იშვიათი მამა დასდებს იმდენს ამავს, რამდენიც ალექსიმ დაგვლო და ის მით დაკმაყოფილდა, რომ თვალსაჩინოთ გაიმარჯვა:

რვა კაცს გვამზადებდა და ერთის გარდა სულყველამ ჩინებულათ ჩავატარეთ გამოცდა, ყველა მიგვიდეს გიმნაზიაში.

სიყვარულის ის ლამპარი, რომელიც ალექსიმ დაანთო თავის მოწაფეთა გულში, აღარ ჩამქრალა და არც ჩაქრება სახამ მისი მოწაფენი საფლავში არ ჩავლენ.

არა, მაშინაც აღარ ჩაქრება,—შვილებს გადასცემენ, რომ მათაც იცოდენ როგორი აღამიანი იყო ალექსი ჭიჭინაძე.

მე კი, ჩემო საყვარელო, ჩემო ტკბილო მასწავლებელო, გეფიცები, ესტირი, როცა ამას ვსწერ შენს შესახებ.

დაიღუპოს აღამიანის გაჩენა, თორემ რატომ არ უნდა ეძგერა შენს პატროსანს, სიკეთით აღსავსე გულს კიდევ დიდხანს, დიდხანს.

როდესაც შენ შემოგხედავდი, მომაგონდებოდა შენთან, შენს კალთაში გატარებული ტკბილი სიყვარულით გამთბარი დრო და გული სიამით მცესებოდა. შენთან ერთათ ეს სიხარულიც გაჰქია.

სხვა ალექსი მე აღარ დამრჩენია.

თ. ჯანაშია



ნიკო გოცირიძე

და მისი მოღვაწეობა სახალხო თეატრის სცენაზე

20 წლის სახალხო მოღვაწეობის აღსანიშნავად დღეს, შაბათს, თებერვლის 4 სახალხო სახლთან არსებულ ქართულ წარმოდგენების მმართველი წრის გამგეობა სადღესასწაულო წარმოდგენას უმართავს თავის ერთგულს და ხალხის საუყარელს სცენის მოყვარულ ნიკო გოცირიძეს

1896 წელს, როდესაც ჩვენმა ინტელიგენციამ ნელ-ნელა ფეხი შესდგა სახალხო თეატრის სცენაზე, დაუბატონა მუშებისგან შექმნილს სახალხო სცენას, რომელიც ხელისაწილ ამახანაგობის სახელით 1893 წლიდან უკვე გრძობდა ამ „ხელისაწილ ამახანაგობას“, ინტელიგენტთა შესვლის შემდეგ დაერქვა თეატრალური სექცია“ ამ სექციამ უკვე არსებულ სცენის მოყვარეთა გარდა მოიწვია სხვა სცენის მოყვარენიც და სწორეთ ამთ რიცხვში ერთა ნიკო გოცირიძეც, რომელიც იმ დღიდან მოკიდებული დღე-ღამეებზე შეიქნა მისი ერთგული მუშაკი და სახალხო თეატრის ნამდვილი ბურჟი. ნიკო გოცირიძის მოხდენილის და დაკვირვებული თამაშით სახალხო თეატრში ბევრად გასდგა ნაბიჯი წინად თუ ქართულს სცენას ვასო აბაშიწე ამჟღავნებდა, სახალხო თეატრს ნიკო გოცირიძე მოეყვინა დასამშვენებლად.


ამ სხის განმავლობაში თვალი რომ გადავავლოთ წარმოდგენების მსვლელობას, თუ რომელ სეზონში რამდენი ჰიესა დადგმულა, იშვიათად შეგვხვდება ისეთი პრეტორა, რომელიც ნიკოს არ მიუღოს მონაწილეობა. ნიკო გოცირიძეს, სცენაზე მონაწილეობის გარდა, უფრო მძიმე მოვალეობა აწება, ეს იყო რეჟისორობა აკუსტის აუდიტორიაში, რომლის პატარა და ვიწრო სცენას ბევრი ჩვენი ინტელიგენტი გაურბოდა ან და თუ დასთანხმდებოდა — ისიც ცოტას სწით, ხან სულ აღარაფერ მოგვეპირებოდა და აი ნიკო გოცირიძე მზათ იყო ეკისრა ეს მოვალეობა სხვის მატოვრად. შემდეგ განდებოდა მორიგეობა სცენის მოყვარეთა შორის და ემუდავებ უფრო მეტი შრომა და ხნობით რეჟისორობა ნიკოს შესვდებოდა. მისმა ნიჭმა და სასცენო უნარმა მალე უურავდებო მიიქცია; ეს

იყო მიზეზი რომ თბილ. ქართ. დრამატ. საზამთავროს დასში მიიწვია, აგრეთვე მიიწვია ქუთაისის დრამატ. საზამთავროში, მიუხედავად იმისა, რომ იქ სასურველი მოქმედდა, ნიკო გოცირიძემ შინაც სახალხო თეატრში უფროდ ირჩია და დარჩა არა მისხიობად დიდი თეატრისა არამედ ისევე სცენის მოყვარედ სახალხო თეატრისა. და, აი, ეს არის რომ უფრო ამდღებს მის ღირსებასა და სახელს

სახალხო სცენა და ნიკო გოცირიძე — აი, ერთი მთელი, რომელიც, სდარჯობს, რომ ქვეშამა და ღამმა არ ამოაფსოს ის მილი, საიდანაც იმედის წყარო გადმოხსნილაებს.

ნიკო გოცირიძის მოღვაწეობა მართლ თბილისის სახალხო თეატრის სცენით არ განისაზღვრება: მას კარგად იცნობენ ჩვენი დაბა-სოფლების მცხოვრებენიც, რომლის პატარა და ვიწრო სცენა ნიკოს ბევრჯერ დაუმშენებია თავის მოხდენილის თამაშით. ვუსურვებ მეტ მხნობას რომ სახალხო თეატრის მსმენელი კიდევ ბევრჯერ დამტკბარეოს მისის თამაშით, ვისურვებ რომ სახალხო თეატრს არ მოაკლდეს იმისთანა ბურჟი, როგორც არის ნიკო გოცირიძე.

გიორგი ჯაბაური



ნიკო გოცირიძე, რომლის სასცენო მოღვაწეობის 20 წ. შესრულებას სახ. წარმ. მმართველი წრე შაბათს თებრ. 4 დღესასწაულობს, დაიბ. 1873 წ. მარიამობისთვის 6. სწავლობდა სახელოვნო სასწავლებელში, მაგრამ აქ კურსი არ დაუმთავრებია, პატარა როლების შესრულება დაიწყო 1890 წ. 1896 წ. სახალხო თეატრის (ავჯალის) აუდიტორიაში მიიწვიეს. 1897 წ. სახალხო სახლში და მას შემდეგ დაუღალავად მოღვაწეობს აქ სრულიად უსასყიდლოდ. მისი როლებია აკოფა, საქო, მახუთიანი, აკიმ, კობუს, შავა და სხ.

ნიკო გოცირიძე^{სხვა და სხვა როლში} 20 წ. მოღვაწეობის გამო მცირე ნობათი

ნ. გოცირიძეს

შევალ ბაღში, ჩემ ლურჯ ბაღში,
 ყვავილს დავკრებ ათასნაირს;
 მზის სხივებით შევკრავ გვირგვინს,
 შიგ ჩავეწნავ უკვდავ შაირს...
 დავიბარებ ტყის ფერიებს,
 ავამღერებ ვარდის დილით,
 და გალობით შავ ღედოფალს
 ტახტზე დავსვამ თეთრ მანდილით...
 ვარდ-ზამბახებს აღაყვავებ,
 სურნელს მოვთხოვ ყვავალთ წყებას;
 სიმწუხარეს უკუ ვაგდებ,
 მივცემ მუღმივ დავიწყებას...
 და ოცნებით წამოვიღებ
 მზის ქვეყნიდან თეთრ სამკაულს;
 აწით მინდა შევხვდე ღიმილთ
 საზვიმო დღესასწაულს!..

ი. დაროშვილი



სადა ხარ, სადა?!

სევდა-კაეშანს მოუცავს არც,
 ღამეა ბნელი, ღამე უმოვარო...
 ძილს მისცემია კაცთა სავანე,
 ძილს მისცემია მთელი სამყარო...
 მე კი არ მძინავს... ვზივარ სარკმელთან...
 სულსა მიხუთავს ფიქრები ბნელი...
 არსაით მესმის ხმა სანუგეშო,
 და ჩემს თვალეში ცრემლი კრთის მწველი.
 სადა ხარ, სადა, ჩემო საუნჯევ?
 მო, დამანახვე სახე მზიური,
 და ცხოვრებისგან გინაწვალეხსა
 მასმინე ჰანგი ზექვეყნიური...

ბროლის თითები ჩამოჰკარ სიმებს,
 ბროლის თითებით ჩანგი ამიწყე...
 ერთს წუთით მაინც მაშორე სევდა,
 ერთს წუთით მაინც გადაშვიწყე...
 გიხობ... გიყოფი... მაგრამ ამაოდ...
 ჩემი ძახილი შენ ვერა გწვდება...
 ნუ თუ ბედკრული ისე მოვკვდები,
 რომ ერთხელ მაინც ვერ ვიგრძნო შეგბა?!

კ. ძიძიძე.



მნებრის ბრძენალებში

სურათები სუთ მოქმედებად მის. ბოჭორიშვილისა

ხვევ სურნელებით არის გაქლებული. კურთხეულ იყოს გაზაფხული.

სუსანა. წარმოიდგინეთ ეხლა, აი ამ-წუთს ქალაქი, ეტლების ხრიალი, მტერიანი ქუჩები და უთავბოლოდ მოფუსფუსე ხალხი არა ბატონებო, დიოგენმა დროზე შეიგნო ბუნების მშვენიერება, რომ სამუდამოდ დასტოვა ქალაქი და აქ მოაშურა ბუნების წიადს.

ლიზა. ოთახს რომ არა სცილდება? იგი აქაც მოწყვეტილია ბუნებას.

გიორგი. გიკვირთ განა? ბრძენ დიოგენს ბოქაში ჰქონდა ბინა.

სუს. განა შეიძლება გამოურკვეველი ფიქრები ქენჯნიდეს სულს ამ მშვენიერ სამოსს? ალოლი რად ზიხარ განმარტოებით?

ალოლ. (კენჭებს ისევრის მდინარეში). შეკათხვასე მკრთალი ღიმილით იძლევა ზასეხს) მე მიყვარს მარტოობა.

გიორ. ყმაწვილებო! ვადღეგრძელოთ ალოლი და მისი მარტოობა.

ლიზა. ალოლი იყავ ბედნიერ. შამ.) სტაციონობდე ალოლ. სუს.)

გიორ. ალოლი! გისურვებდი, რომ ყმაწვილური სიშმაგე შემოქრილიყოს შენს მარტოობაში და გულის სიღრმეში უსაზღვრო მხიარულების კოცონი აღენთოს.

შამ. (ღვინით სახვე ჭიქას მიუტანს ალოლს) შეახეთ თქვენი ნახი ბაგე! გამხიარულდით, ბუნებას არ უყვარს მწუხარება.

ალოლ (ღვინოს მოსვამს) მრავალ ეამიერ თქვენი სიცოცხლე მეგობრებო! გამოგიცდიათ თუ არა თქვენ, რომ ხანდახან ნათელი ღამე სულის. სიღრმეში მწუხარების სხივებს შეაპარებს?

სუს. ვიმღეროთ რამე.

ლიზა. (ღაიწეებს) Душа моя мрачнаа ..

გიორ. ქართულად! ქართულად! არა ბატონებო! რად გსურთ მიდამოს ნადველი მოჭვინოთ უცხო სიმღერით? ამ არე-მიდამოსათვის უცხოა ასეთი სიმღერები. იგი შეჩვეულია მკვენსარე „ურმულს“ და „გოროველას“ უთუოდ ქართულად უნდა ვიმღეროთ, ქარ-

ავტორი პიესისა მის. ბოჭორიშვილი.

მოქმედნი პირნი:

1) დიო, იგივე დიოგენი. ყმაწვილი. მისი სახე უსაზღვრო მწუხარების გამომხატველია. არასტერი არ ჰქმნაოფილებს.

2) ლიზა, დიოგენის და, 17-18 წლის კეკლუცი და მხარული ქალია.

3) თებრილე, დიოგენის დედა, ღრმად მოხუცებული.

4) გიორგი, 45-50 წლის. შემამულე მონტედიგენტო, ქეიფის მოყვარული.

5) ალოლ, გიორგის ძმისწული, სასაღვასრდა ფეკმკრადი ქალი.

6) შამშე, სტუდენტი.) სოფლად სასაგარაკოდ

7) სუსანა, მოსწავლე) არიან მოსული

8) მონაზონი, ქალი.

9) პლატონ, სასაღვასრდა გლეხი

10) სიზა, სანში მესული გლეხი.

11) ხათლომე, მოსყუცი გლეხი.

სასაღვასრდა გლეხები და ქალები.

მოქმედება სწარმოებს სოფლად, რომლისთვისაც ჯერ კიდევ უნდაა ქალაქი ზნე ჩვეულებანი.

მოკმედება პირველი

კვარცხლებეი მდინარის პირად. საღამოა. რამოდენიე ხნის შემდეგ ხეების მწვერვალებიდან მთვარის სხივი გაღმონათებს და ტოტების ჩრდილი მიწაზე დაეშვება. განმარტოებით ზის ალოლი და მდინარის სიღრმე გადასტკერის, სხვანი მწვანეე მოლზე სხედან და ხილსა და ღვინოს შეუქცევიან.

I

ალოლ, სუსანა, ლიზა, შამშე და გიორგი

შამშე. რა საუცხოვო საღამოა! საღლაც შორს გრძნობით სტვენს იადონი. მდინარის შეხეთქება ნაპირის კალთებზე ისე გაისმის, ვით იღუმელი შრილი ნიაკით შეთრთოლოებულ ფოთლებისა. ჰაერი თავბრუ დამ-

თულად უნდა ვიმღეროთ, ქართულად.

შამ (ალოლს) გვიმღერე რაემ. შენი ნარნარი ხმა აგვიშალოს გრძობებს და შესაძლოა მიწის წიაღზე ცრემლებიც დაგვაფრქვევინოს, მაგრამ რომ იცოდეთ რა ნეტარებაა, როდესაც მუსიკის ხმებზე ცრემლებით იფრქვევა სულის სიღრმიდან სევდა-ნაღვლი!

ალოლ. ჩემი ბაგენი უტყვია ამ ჟამად, ვით მდინარის სიღრმეში მონავარდე ორაგული.

გიორ. სიმღერისთვისაც ხვეწნა-მუდარა გქირდებათ რაღა? აბა მიყურეთ? (დაიწეებს) „ყოველ სნეულებაზე სიყვარული ძნელია...“

ყველანი. (იციან) ხა! ხა! ხა!

ლიზა. ჩვენ გვიშლის, დანტორეული ხმით არე-მიღამოს ნუ ნუ შეურაცყოფთო და თვითონ-კი...

ალოლ. ნუ დასცინი ძიას.

გიორ. (შიდის ალოლთან) რას დაღვრემილხარ! წადი, იმხიარულე. მე უნდა ვსტიროდე ჩემს დაკარგულ სიყმაწვილეს, თორემ შენ რა?

ლიზა. (დაიწეებს და სხვებიც აუგებან) „შევიშრობ ცრემლთა ჭირთ მანულებულს გულს დავიწვავ დასანატრებულს და იმის ფერფლსა, ვითა საკმეველს, შეესწინავ სატრფოს ჩემსა სამლოცველს“.

ალოლ. (მოშორდება მდინარის შიშს და უკლებ შემოკხევა ლიზას) ნუ! ნუ! ჩემო კარგო! რაღაც მიწყლულებს გულს! (ქვითანით) რა ვქნა მითხარით. ოჰ, რა მძიმე ლოდინით მაწევს სევდა გულს ოხ, ღმერთო! ღმერთო!

გიორ. რა გემართებათ? რამ წაგართო სულის სიმშვიდე!

ალოლ. სული ვალაღებს! მეგობრებო! მახატით, რომ თქვენს სიამოვნებაში მწუხარება შემომაქვს. რაღაც გამოუთქმელი სევდა სერავს გულის სიღრმეს

სუს. (ლიზას ხმა დახვდა) დიოგენის მოლოდინში სანთელივით დნება მისი სული

შამ. ის კი არ მოდის?

ლიზა. ვინ?

შამ. ვისი დანახვაც გაფანტავს ალოლის ევლას.

II

ივანივე და საბა

გიორ. მოუხვიე საბა! ველარ დაიმაღლები.

ლიზა. საბას გაუმარჯოს, საბას!

შამ. ვინ არის.

საბა. (წელში ნაჯახით. შათ დასახვავე ქუდს ისდის თავისთვის) ვერ გავებარე ამ შეჩვენებულებს? (ხმა მაღლა) ბატონებს სალამი!

გიორ. საით შენი მგზავრობა?

საბა. შინისკენ შენი, ქირიმე.

გიორ. სტყუი!

სუს. აბა სად უნდა წავიდეს?

გიორ. სიბა ვერ მომატყებ. აი, გადაჰკარღვინო დე მითხარი საით მიდიოდი?

შამ. რას ჩააცვიდით ამ მოხუცს? გეუბნებათ, შინ მივდივარო.

საბა (ღვინოს სვამს) ღმერთი გწყალობდეთ, სამას სამოცდა ხუთი წმინდა გიორგი, მიქელ-გაბრიელ მთავარ-ანგელოსი, მისი დიდების ქირიმე.

ლიზა. საბა გრწამს ღმერთი?

საბა. რა ბრძანება! ღმერთი და ხატივის არა სწამს, მათი დიდების ქირიმე!

ლიზა. მერე ხატი რომ მოატყუე?

შამ. როგორ, თუ ხატი?

სუს რაო?

საბა. (თავისთვის) აი, მენიკი დაგეცა მაგენახე! ჰჰ!

გიორ. იცით როგორ მოატყუა საბამხატი? მეზობელს შეედავე შეედავა. საღვებო სასამარსოთომ ფიცი მიუსაჯა. რა ქნას საბამ, კარგად იცის ადგილი მის არ ეკუთვნის. და, აი, ბატონებო; საბამ შემდეგ ხერხს მიმართა. შეიკერა სრული ქალამნები, ჩაჰყარა შიგ თავისა საკუთარი ეზოს მიწა, მივიდა სადღო ადგილზე, სადაც ხატი მისგენეს და დაიფიცა ჩემს მიწაზე ვსდგევარო.

ყველანი (იციან) ხა! ხა! ხა!

საბა. იმ ხატის ძალი და მადლი გაუწყრეს ვინც ეგ მი მიგონა.

გიორ. წაწყდები საბა! ამინ გეტყვი შენ, რომ ჩემთან იქნები ჯოჯოხეთში.

შამ. ხა! ხა! ხა! დიდებულო! დიდებულო.

გიორ ეხლა საბა გილაცის ტყეში მიდის ხის მოსაქრელად, მაგრამ მიფრთხილდი საბა!

აქეთ ჩემი ადგილებია. ჰა, გადაჰკარ და წადი, ჩემ ტყეში კი ფენი არ შესდგა.

საბა. თქვენს დაუკითხავად ტყეში ფენს როგორ შეესდამ, მაგრამ შენი ქირიმე, შენი სულის საცხონებლად თქვენს ტყეში ერთი გამოფუტურებული ცაცხვის ხეა. ძალიან მიუვალი ადგილია. ვერავინ ვერ მოიხმარს, მე კი ვუხერხებ რასმეს. შენი მუხლის ქირიმე თუ შენს სადღეგრძელოდ მიწყალობებ! (მუხლს მოადრკეს)

გიორ. რადგან თვალი მოატანე, სულ ერთია, შენი ნაჯახის პირი არ აცდება; კარგი, გქონდეს ერთი ხე, მაგრამ მიფრთხილდი, მხოლოდ ერთი, სხვას ხელი არ ახლო.

საბა. ამაშენე კაცი და ეს არის, შენი ქირიმე!

გიორ. ეხლა მითხარი, იმ ხის მოსაჭრელად მიდიოდი, არა?

საბა. რად იკადრებ, ბატონო, თქვენ დაუკითხავად როგორ გავბედავდი.

გიორ. კარგი! კარგი! გიცნობ საბა!

საბა მშვიდობით ბრძანდებოდეთ (გადის და თან თავისთვის ამბობს) ეს ძალიან იღბალი მომივიდა, ნეტა შენი თავი არ იყოს გამოფუტურებული, თორემ უწინამც დღე დავლევა საბას, ალესილ იარაღს პირი გამოფუტურებულ ხეზე არ გაუფუჭოს.

შამ. ბატონებო! ამ მოხუცმა ოცნების ფრთები მოამსხვებია ჩვენს თავდავიწყებას, გავმზიარულდეთ! დავივიწყეთ ყოველივე ამ ქვეყნიური. მივეცეთ შევბას. ეჰ, ნეტავ დიოგენიც იყვეს ეხლა ჩვენთან!?

ლიზა. ის ჩაკეტილია თავის ოთახში, წარმოიდგინეთ თავის საყვარელ სალამურზეც აღარ ამღერებს.

ალოლ. რა ნაზი ჰაეროვანი ხმები გამოკრთის მის სალამურში.

გიორ. ეჰ, ალოლ? ალოლ? ნუ აყვები გულის თქმას.

შამ. სადღა ჩვენი შეუბოვარი დიო. რა იქნა მისი სულის სიმტკიცე და სიმძლიერე? მისი ამყვი პიროვნება დაამდაბლა უღმობელმა ცხოვრებამ.

გიორ. და ცოტა აქაც (შუბლზე ხელის იჯებით) აუფორიაქა.

ლიზა. არ არის კარგი ადამიანის დამცირება.

სუს. და მით უმეტეს, როდესაც ალოლს უყვარს დიოგენი.

გიორ. ეჰ, თქვენ და თქვენი სიყვარული. ისე წინადადებას ვერ იტყვიან, რომ ეს ყოველად უღაზათო სიტყვა შიგ არ გაუჩიონ! ქეიფი, ლხინი! აი, ჩემი სიყვარული. ბატონებო, მე ვსვამ დიოს სადღეგრძელოს და გთხოვთ სულთათანა უგალობოთ იმ უაზრო კვლევა-ძიებას, რომელმაც იგი ჩამოაშორა სიცოცხლის ნეტარებას.

ყველანი. (ალოლს გარდა) თანახმა ვართ! (იმდეთიან) „სულთათანა აღსრულებულსა კვლევა-ძიებასა... განუსვენე...“ (ამ დროს შარით მოისმის საღამუყარის ხმა).

ალოლ ის არის ის! გესმით რა უსაზღვრო სევდა გამოკრთის ამ სალამურის ხმაში? როგორ მიწყდება, მიღუნდება, როგორ დაიწვილებს და აკვნესდება! (სახეზე აღეფეგება კტუება, ზაუზა).

დიოგ. ხმა. ალოლ! ალოლ!

სუს. ჰაუ! აქა ვართ, აქა! (ისევ საღამუყარის ხმა).

ლიზა. რა მოხარული ვარ მთელი თვე ოთახს არ გამოსცილებია, რამოდენი ვეხვეწე, ვემუდარე დღეს ჩვენთან წამოსულიყო.

შამ. წავიდეთ მივეგებოთ! მხოლოდ შენი მზიარულება თუ განკურნავს მის სულს (ხელს ჩაქიდებს ღიზას და გარბიან).

დიოგ. ხმა ალოლ! ალოლ!

გიორ. შენ გეძახის, პასუხს რად არ ამღერავ!

ალოლ. ჰაუ! (სისარუდით ხმა ეკლში უწუდება)

გიორ. (ალოლს დაჟინებით ჩასტკეკრის) თვალებში გიყვარს?

III

იგინივე და დიოგენი.

დიოგენი რა საუცხოვო ღამეა, ზვიადობს გრძნობა, მაგრამ ვინ მეტყვის, თუ რას ჩასჩურჩულებს ეხლა აი, ამ წუთს ნიავი ფოთლებს? ვინ მეტყვის, თუ რად სტირის იადონი ამ საუცხოვო ღამეში?

გიორ. რად განმარტოვდი, რად ჩამოგშორდი? მოგვწყინდა უშენოდ.

დიოგ. იმიტომ, რომ თქვენ შორის ვერ

ვაოვე სიმშვიდე სულის, მომწყინდა ტკბილი, უღარდელი ცხოვრება, მომწყინდა თქვენ შორის ყოფნა, მაგრამ ალოლი შენი სახე-კი ხშირად შემოიჭრება ჩემს მარტოობაში და მაშინ ვფიქრობ, რომ კიდევ მაქვს რაღაცა საერთო თქვენთან. ოჰ, ალოლი ალოლი! (ხიჯებს ღვინით სავსე ბოთლს და სვამს).

გიორ. რა რიგ ეწამო კაცთა ამოებებს ვერ გასცილდები, სჯობია ისევ ტკბილ სიყმაწვილეს დაუბრუნდე.

ლიოგ. ღიახ; მე ვგრძნობ, რომ ამოება ვარ, მაგრამ მსურს შევქმნა ისეთი ამოება, რომ მან მეცნიერების ყურადღება დაიმსახუროს. (სვამს ღვინოს)

ალოლი. რას სჩადით დათვრებით.

შამ. (ღიზასთან სეიჩნობს სტენის განაკადე) ჩემს სიცოცხლეში არ დავიფიწყებ ამ ღამეს.

ლიოგ. ჰეი! იცით, რომ შუა ღამისას გაშლილი ყვავილი მზის ამოსვლისთანავე სიცოცხლეს ემშვიდობება?

სუს. რა საუცხოვოდ ამღერებდით საღამურს?

ლიოგ. მე და ჩემი საღამური ესტიროდით ჩვენს მარტოობას, ჩვენს დამწუხრებულ სიყმაწვილეს. ალოლი! მიმღერე რამე (დატლიდ ბოთლს მდინარეში გადასვრას და სავსე ბოთლს ამოიღებს კადათიდან) მინდა დავითვრე, მსურს მივეცე თავდავიწყებას, მაგრამ რით? ღვინო აღარ მოქმედობს ჩემზე.

გიორ. დავლიოთ! დავლიოთ! (ისიც სვამს).

ლიოგ. ვსვამ მაგრამ ამოდ! ბედნიერია ის, ვისაც შეუძლია ხელოვნურად მიადწიოს თავდავიწყებას. მითხარ როგორ გაუძელ ცხოვრების სიმწვავეს ამოდენ ხანს, რომ ჟამთა მსვლელობამ მოვერცხლილ თმით შეგიმკო თავის ქალა? ალოლი! მიმღერე რამე!

ლიზა (კადახევეს ხელს ატოლს და სუსანას) ვიმღეროთ (დაიწყებენ):

მომიასხლოვდი, მომეურდნე მკერდზე,
დაგწვაგ, დაგფერფლაგ ვნების კოცონზე,
კადაკვარცხნი სუტუტ დალაგებს,
კადაკვარცხნი მიბნედილს თვალებს...
რასთვის გაფითრდი, რად გაინახე,
რასთვის ატურდა ცრემლი წამწამზე,

დაგწვაგ, დაგფერფლაგ ვნების კოცონზე,
მომიასხლოვდი, მომეურდნე მკერდზე!

ლიოგ. რაღაც მიხუთავს სულს! (მკერდს იდეღს) აქ იწვის რაღაც.

სუს. სიყვარულის მიზეზით ხომ არ არის?

ლიოგ. სიყვარულისაც და სიძულვილისაც! (გაიძრავს შიჯკას და წუჯში გაღაისვრის)

ალოლი. რას სჩადით!

შამ. (მდინარისკენ გაბნის) ეს როგორ შეიძლება!

ლიოგ. (გაიძრავს ხადათს და მასაც მდინარეში გადასვრის) ველურები არას დროს არ იფარავდენ სხეულს ტანთსაცმელით ალოლი! რას გადასცქერი მდინარის სიღრმეს, ჩემს უშინაარსო სიცოცხლის წუთებსაც ისე იტაცებს დროთა უღმობელი ტრილია. მიმღერე, კიდევ მიმღერე რამე, გამიყარე გულში ვნების ბრქვალები.

შამ ვეღარ გამოვიტაცე მდინარიდან: არ არის კარგი, როდესაც ადამიანი ძვირფას სიცოცხლეს დაუდევრად ეთამაშება.

ლიოგ სიცოცხლე! რომ შემეძლოს საამოვნებით ამოვგლეჯდი ამ სიტყვას ჩემს მესსიერებიდან და ისევე გადავისროდი მდინარის სიღრმეში, როგოც აი, ამ ცარიელ ბოთლს. (ისვრის)

შამ. შენგან მესმის ეს სიტყვები, რომელიც სიცოცხლის ერთი წუთის უმნიშვნელოდ დაკარგვასაც ვერ ითმენდი?

ლიოგ. რაც გინდ ეცადო, რაც გინდ ეწვალო, სიცოცხლეს ისე მოგტაცებს სიკვდილი, რომ ვერ გაიგებ სად იწყება ის, და სად არის დასასრული; ახლად შობილმა ბავშვმა არ იცის, რად სტირის, როდესაც მოსწყდება ღედის გვამს, მაგრამ არც მოხუცმა იცის, თუ რად ემშვიდობება კვნესა-გმინვით თვის სიცოცხლის უკანასკნელ წუთს. და მითხარით, რა ღირებულება უნდა ჰქონდეს სიცოცხლეს?

ლიზა ლიოგენ! გაცივდები! წავიდეთ შინ!

ლიოგ რა ბედნიერი ვიქნებოდი, რომ აქ მარტოდმარტოს დავგტოვებდეთ. დაუგდებ ყურს ზვირთების იღუმალ ნანას, იქნებ წუთით მაინც მივეცე თავდავიწყებას.

სუს. მაშ კარგი ჩვენ წავალთ. აქ მოგე-

წყინდა კიდევ, მაგრამ იმედი გვაქვს, რომ კვლავ დაამღერებთ სალამურზე და ლაგვიტა-ბობთ სმენის წვიდეთ!

ლიზა. მარტო დავტოვოთ დიო?

მამ. ალოლ დარჩეს მასთან. ერთად წამოვლენ შინ.

გიორ რა მენაღვლები, მაგრამ... (მიდიან ხელს სეფს ჩაკიდულნი. გიორგი კადათს ზურგზე იკიდებს და მიდის. დიოგენე ჰარქვე დაშობილად ხანჯის.)

ალოლ წავიდეთ!

დიოგ. (წამოიჭრება ფეხზე და ხელს ხევეს, ალოლი სტდილობს თავის განთავისფლებას დუმილი) გესმის აჩქარებითი სუნთქვა? ეს ველური გამოძახილია ვნების ბრქყალცში მომწყვდეულ სულის. (კოცნის)

ალოლ ეს ნუ იქნება (სტდილობს თავის განთავისუფლებას)

დიოგ. სიცოცხლეო! რატომ ნუ იქნება. მოგიკლათ ვნების წყურვილი. ალოლი! არც ისე სუსტია ჩვენი სიყვარული რომ კოცნის სიმხურვალე ვერ აიტანოს.

შორით ხმები. ალოლი! დიო! გამოიარეთ.

ალოლ. (შეკრება) წავიდეთ (ისმის სიმღერა: „წარვედ წელის ჰინად“ დუმილი. ისინი ისე შესტქქვანან ერთურთს, თითქმის თვალებით უმბობენ რაღაც იღუმელ ამბავს. მათ თვალებში თან და თან დვიგდება ვნების ნახურწკალი, თრთიან, ცახცახებენ. დიოგენე გაშმაგებით შიიკრავს გულზე ალოლს. აიტატებს ხელში და, ვით უმწყო მსხვერპლს, ტეის სიდრმეში გაიტატებს. შორით შიისმის ხმები: ალოლი! ალოლი!)

ფ ა რ დ ა .

მის. ხომღონიძე

(გაგრძელება იქნება)



ქართული ოპერის მუშაკნი



ა. ვ. კურბატოვი

საოპერო ტენორი, სტენასზე მონაწილეობს 1910 წლიდან, თუმცა ტომით რუსია, ქართული ენა იმდენად შეისწავლა, რომ ქართულად მღერის. 3-4 წ. წინად განსვენებულმა კ. ს. ცხომელიძემ მიიწვია „ქართული ოპერის ამხანაგობა“-ში სადაც ბეჭითად მუშაობდა და ასლაც თავგანმადებით შეტადინებდა ქართულ ოპერის ასაღობინებლად. ქართულად მომზადებული აქვს ალორედი („ტრავიატა“); ჭერცოგი („რიგალეტო“); ჭერაღდი („ლაკმე“), ხლო რუსულად თორმეტამდე ჰარტია. საუველივროდ გაწვეულია დასავლეთ საქართველოს ზოგიერთ დაბა-ქალაქის სადაშობებში მონაწილეობის მისადაებად. საკონცერტო განუთფილებასი ქართულად ნათარგმნ ოპერებიდან რავდენსამე არიას შეასრულებს.



ნიკო გოცირიძე
(შარკი მ ჭიაურელის)

სვედის ნაღვითებში

წამების ასული

მაშინ, როდესაც ყოველი მოსვენებას ეძღვრა და მთელი ქვეყანა ერთ დიდ სასაფლაოს წარმოადგენს...

მაშინ, როდესაც უკუნით წყვილიდს ფრთები გაუშლია და ღამის ყრუ სიზნელე აქა-იქ გისმის ქოტის გულის მომწყველი ძახილი, საიდგარდაც გაჩნდა ის ჩემს წინ...

თავლივით თეთრი, ღერწამივით მოქნილი ტანი საოცნიშობით ირხეოდა...

გრძნეული სახე ნათელს ჰფენდა იქაურობას. დიდრონი, ჯადოსნური შავი თვალები ცეცხლის სხივებს ისვროდნენ...

თავი მას ეკლებით ჰქონდა შებურვილი და დრო გამოშვებით მოისმოდა მისი ყრუ ამონაკენისი...

გაშლილ, ბამბასავით თეთრ შუბლზე ნათლად გამოჰკრთოდა სისხლის წითელი წვეთი...

— ჰოი, წამების ასულო, რომელსაც დაგეძებ მარადის! თავი ჩემი შეიწირე მსხვერპლად. მითხარი და მეც მზათა ვარ! აღღვებით შეეძახე მა და ხელეში თავისკენ წავუდე, რომ ეკლები ამეცალა მისთვის...

მაგრამ ის მსწრაფლ გაჰქრა!.. გაჰქრა...

შავმა წყვილიდმა საღლაც გააქანა...

საღლაც დამალა ის...

უკანსკნელად მხოლოდ ეს გავიგონე:

— მე მოვალ მზესთან ერთად... მზესთან ერთად მელოდე მე.

და ყოველთვის, როცა ზღაპრული აღმოსავლეთი ოქროს ფრადილებება და მისი მშვენიერი სურათი თავს ამოჰყოფს, მე მუდამ აქ ვიბადები...

ვეკითხები მზეს...

ვუცდი წამების ასულს...

მაგრამ მზე მუდამ მოდის და ის კი არა...

მე ყოველთვის დავეძებ, ყოველთვის ვეძებ მას...

ნეტავი როდის ვიხილავ...

როდის მოვა ის 19.

შავი ზღვის ნაპირას

(„დარია ქიანარჰდა“-ს ჰანგზე დაწერილი; სიმღერაში ყოველ ტაქტის პირველ სამს ჰყარს თითო მარცვლი ემატება. გამთქმულია 20 წ. წინად)

შავი ზღვის პირას ჩვენი ქვეყანა, — მის მსგავსი კიდევ იქნება განა! იქ უთქვამს ჩემთვის დედა ჩემს ნანა, — ბაღში სუმბული, გალობს ბუღბული, ვარდის ერთგული, ტურტა არსება!..

შავი ზღვის პირას ჩვენი სახლები; ძველთგან ძველები — არა ახლები, ახლა იქ დგანან ჩვენი მძახლები, — ჩვენი ბრალი, დაგვარგეთ კვალი, აღარც გვაქვს ძალი, წავგვარავებს ნებ!..

მამა ჩვენი თვის ძმას გაეყარა, არც ერთს კეთილი არ დაეყარა; მით მტერმა ჯავრი ამოიყარა, — ფუ, ჩვენს კაცობას, მხალ-ღიაცობას, გმირ-მამაცობას არ ეკადრება!..

მამა მოგვიკვდა, დავრჩით ობლად, დედა სხვას გაჰყვა პურის მცხოზლად, ჩვენი საქმე არ მიდის მწყობლად ბედი გავგექვა, სახლი დავგექვა, ცხენი წავგექვა — ველარა დგება!..

სახლი გავუშვი და მე მოვედი, იმ დღიდან დღემდე ვიწყევლე ბედი, შვილო, შენა ხარ ჩემი იმედი, ბაღში ვარდები — გამეზარდები, გულში დარდები აღარ შექნება!..

ახ, როს იქნება დავეიდგეს დარი, გვედირსოს ჩვენი სახლი და კარი! არ მისცა ჰაზირს არავინ მხარი, — ფიქრი აწვალებს, იხმარებს ძალებს, თავს ანაცვალებს მისთვის მოკვდება!..

ჰაზირა

ლ. ძიძიგური





ნიკო გოცირიძე საქოს როლში (მსხვერპლი)

წვრილი აგვეები

◆ აკაკის გარდაცვალების ორი წლის თავის შესრულების გამო. ცხრა მთას იქით გადაკარგულნი, ოთხ-კედელ შორის მყოფნი ქართველი კატორღელები მუხლს ვიდრეკთ დიდებული მგონის აკაკის გარდაცვალებიდან ორი წლის თავზე.

ჩვენ ცოცხლად დამარხულებსაც თვალწინ გვიდგას მისი მაღლიანი და საყვარელი სახე დიდება იმ ვრს, რომელმაც წარმოშვა ჩაგრულთა მომღერალი ჩვენი აკაკი.

ქ. ნიენი-ნოვგოროდის ქარ. კატორღელების მონდობილობით ვალ. ოხრობეთელი

◆ ქართული თეატრის აღმადგენელი კომიტეტისა და ქართ. დრამ. საზ-ის გამგეობის შეერთებულმა სხდომა გაიმართება დღეს.

◆ ვალ. ვუნიას ვნ წ. მოღვაწეობის იუბილეს მომწყობმა კომისიამ უკვე შეიმუშავა პროგრამა დღესასწაული გაიმართება დილით და საღამოთი, დღი-ნიშნა დღე—მარტის 19 ანუ აპრილის 9 (არჩევანი თვით ვ. გუნიანუა—რომელ დღეს ისურვებს).

◆ ნიკო გოცირიძის 20 წ. სახალხო სცენაზ

მოღვაწეობის სამახსოვ. წარმოდგენა გაიმართება დღეს, შაბათს თებერვლის 4, სახალხო სახლში.

◆ ქართულ ფრესკების გამოფენა დაიხურება მომავალ კვირას, თებერვლის 12.

◆ სომეხ ხელოვანთა საზ-ის სურათების გამოფენა გაიმართება თებერვლიდან გოლოვინის პრ. მილოვის მაღაზიაში. გამოფენა საყურადღებო იქნება. გამოფენაში მონაწილეობენ ჩვენი მხატვრები მ. თოიძე და ლ. გულიაშვილი.

◆ შალვა ღაღინას დაუწერია ახალი კომედია „საზოგადო საქმე“, რომლის პირველი წარმოდგენა განზრახულია ბაქოში ავტორის საბენიფისოდ თებერვლის 12.

◆ ხაშურის სცენის მოყვ წრის მაგიერ ნ. გოცირიძეს დღ. ს. მოულოცავს ნ. სიხარულიძე

◆ ს. ხაშუმე კოლოპირატივის დაარსები შესახებ გასულ კვირას მოლაპარაკება იყო. საჭირო კაცები აირჩიეს და მიანდეს საქმის დაწყება. ამავე დღეს ყრილობამ ერთხმად სთხოვა მღ. ი. ხაბაზიშვილს განაგრძოს ფულის აკრება კოლოპირატივის წევრობის მსურველთ.

◆ გაპირებულ ქართველ მაჰმადიანთათვის დაე. სპ. ზუკაკიშვილისაგან მივიღეთ 4 მ. სოფ. ხაშუმე წვრილ წვრილად შეკრბილი.

სახალხო სახლი

შაბათს, 4 თებერვალს 1017

წ. სახალხო სახლთან არსებულ ქართულ წარმოდგენების მმართველი წრე ნიკო გოცირიძეს 20 წლ. სახალხო სცენაზე მოღვაწეობის აღსანიშნავად გამართავს სადღესასწაულად საღამოს, წარმოდგენილი იქნება

1	2
ტარტიუფი	მსხვერპლი
III და IV გ. მოლიერისა	I მოქ. ი. გედევანიშვილისა
ვ) ხ ა ნ უ მ ა	II მოქ. ა. ცაგარდისა
რეჟ კ. შათირიშვილი. დასაწყისი საღამოს 8	ს. ბიდეუები იუიდება თეატრის კასამი 12.2
და 6-8 საათამდე.	

VV. მიიღება ხელის მოწერა 1917 წლისათვის VV.

სათეატრო-სალიტერატურო, სამხატვრო წლიური ხელის მომწერნი მიიღებენ კვირეული შუკნალი ორ კვირას

ოქსრი და სსოპრები

(წელიწადი შეხუთე) ავტორის სურათით, ფაქსიმ. და ბიოგრაფიით. გამომცემი პროგრამით, უკვე ცნობილი რედაქციით

შუკნალი პარტიამა გარეშა, კომპლექსური მიმართულებას

ნ. ლ. შიშოვაწი იღებებს მიიღებენ ჩვენი დამსახურებული და ახალგაზდა ნ. ჭიერი მწერლები: მგონებში, კრიტიკოსები, მუსიკოსები, მხატვრები
შუკნალის ფასი ორივე ზრემით წელიწადში ღირს 8 მან. ნასეკარის წლით. მას. 50 კ. ახ. თითო ნომერი ეველგან 15 კაპ ფულის შემოტანა ნაწილ-ნაწილად ეიძლება: ხელის მოწერის ღირს 3 მ., 1-მაისამდე—3 მ. 1-ელ ენკენისთვემდე ხელის მოწერა მიიღება: თბილისში, „სორაპის“ სტამბის კანტორაში (მდათოვის კუთხლი, № 1, ვორცხოვის მეორე ხიდის ყურში). ქალაქ გარეთ ხელის-მომწერთ ფული უნდა გამოგზავნონ შემდეგის მისამართით: Тифлис, ред. „Театри да Цховрени“ Исидру Именна იმედაშვილის რედაქტორ-გამომცემელი

აკაკის „ნაპუხები და ბრძული სიტყვები“ ავტორის სურათებით, ფაქსიმილეთი და ბიოგრაფიით.

ჭ. ლომთათიძის „ჩვეული აზრები“ ავტორის სურათით, ფაქსიმ. და ბიოგრაფიით.

ქართ. საისტ.-საეთნოგრ. საზ-ისა და ქართველ ხელოვანთა სიზ-ის თაოსნობით ძველ ქართულ საეკლესიო ფრესკების გამოფენა
გამოფენა გაიღო იანვრის 8, ღიაა დღის 10 საათიდან შუადღის 4 ს-დე შესვლის ფასი—50კ. მოწაფე —25. კ.

ახალი კლუბი კვირას თებ 5 დღით
კამერელოდეს მონაწილეობით
სამშობლო

დასაწყ დღ. 12 ს. ფასი: 1-70 კ - 30 კ-დე. რევისორი * * * აღმინისტრ. დრამ. საზ-ბისა

სარკვევის საზოგადო კლუბი

- (მინილის პროსპექტზე, № 163)
- ერთი კვირის პროგრამა თებ.-5-12
- ორშაბათი — სინემატოგ. სიმებ. ორკ.
- სამშაბათი — სინემატოგრაფი: სიმებ. ორკეს.
- ოთხშაბათი — ქართული წარმოდგენა,
- ხუთშაბათი — ოპერეტა რუსულ ვნაზი.
- პარასკევი — საოჯახო საღამო
- შაბათი — რუსული წარმოდგენა
- კვირა — სიმებიანი ორკესტრი
- შესახველი ფასი: ქალები და სტუდენტები — 25 კ. მამაკაცნი 50 კ.
- დასაწყისი: წარმოდგენა — კონცერტების და — სინემატოგრაფ — საღ. 8 ნახ. ს.

რედ-გამ. ანნა იმედაშვილისა

ახალი კლუბი კვირის პროგრამა

- თებ. 5-12
- კვირა — რუსული წარმოდგენა. ბილეთნი 0-30 კ.
- ორშაბათი — ოპერეტა. ბილეთები: 1 მ.-50 კ.
- სამშაბათი — საოჯახო საღამო
- ოთხშაბ. — სინემატოგრაფი. სიმებ. ორკ.
- ხუთშაბ. — ქართ. წარმ. ბილეთები 50-30 კაპ.
- პარკასკ. — ოპერეტა. ბილეთები: 1 მ.-30 კ-დე
- შაბ. — საოჯახო საღამო
- კვირა — რუსული წარმ. ბილეთ. 4-30 კ.
- შესახველისი: კონცერტებისა საღამ. 9 სათ. წარმოდგენისა და სინემატოგრ. საღ. 8 1/2 სა. შმსას. ფასი მანდილოსნ. 50 კ. მამაკაც. 1 მ.



Дозволено Военной Цензурой სტამბა „სორაპის“